



## Universitätsbibliothek Paderborn

**Stephani Balvzii Miscellaneorvm Liber ... Hoc est,  
Collectio Vetervm monumentorum, quæ hactenus  
latuerant in varijs codicibus ac bibliothecis**

**Baluze, Etienne**

**Parisiis, 1679**

Eugenij III. epistola ad Petrum Regensem & Bertrandum Foro Juliensem  
Episcopos.

**urn:nbn:de:hbz:466:1-14735**

*EVGENII III. EPISTOLA  
ad Petrum Regensem & Bertrandum  
Foro juliensem Episcopos.*

An. 1145.

**E**vgenius Episcopus servus servorum Dei venerabilibus fratribus P. Regensi & B. Foro julien Episcopis salutem & apostolicam benedictionem Bariolensis Ecclesia beati Petri juris existit, & ejus proprietatem & defensionem specialiter pertinet. Vnde nobis est injuncta necessitas ipsam & alia sibi pertinentes diligere & fovere, & nullam eis injuriam vel molestiam irrogare. Quocirca per apostolica vobis scripta mandamus atque præcipimus quatenus nullas novas exactiones, neque receptiones, vel pastus, vel alia inconsueta in Ecclesiis quæ in vestris episcopatibus possidet imponatis, nec a eorum Presbyteris exigatis; sed eas in ea libertate liberè dimittatis in qua prædecessorum vestrorum Augerij videlicet & Berengarij temporibus extitunt noscuntur. Presbyteros autem sive Clericos vobis subditos, qui excommunicatos in cimiterio scienter sepeliunt, tamdiu à suscepis ordinibus suspendimus donec de tam gravi præsumptione satisfacturi nostro se conspectui repræsentent. Vos autem tamen nostram suspensionem eis annuncietis, & observare firmiter faciatis. Datum Viterbij v-i. Kal. Novembris.

